



MEEQQAT INUUSUTTULLU NAMMINERSORNERULLUTIK OQARTUSSAT ULLOQ UNNUARLU INISSIISARFIUTAANI INISSINNEQARTARNERAT PILLUGU KAAJALLAASITAQ.

1. *Aallaqqaasiutitut oqaaseqaatit.*

Kaajallaasitaq manna meeqqat inuusuttullu Namminersornerullutik Oqartussat meeqqanut inuusuttunullu angerlarsimaffiutaanni aammalu inissiisarfinni immikkut ittuni meeqqat misissorneqartut angerlarsimaffianni "Meeqqat Illuat"-ni Nuummiittumi, angerlarsimaffinilu illersugaasuni Nuummiittumi Ilulissaniittumilu kiisalu sullivimmi illersugaasumi Ilulissaniittumi inissitaasarnerranni malittarisassanut erseqqinnerusumik aalajangii-suuvoq.

Kaajallaasitamut ilanngunneqarpoq inissiisarfiit ulloq unnuarlu ammasartut adresse-sa allattorsimaffiat.

Kiisattaq atuagaaraq "Kalaallit Nunaanni ulloq unnuarlu inissiisarfiit", Isumaginninnermi Pisortaqarfimmit januar 1980-imi saqqummersinneqartoq innersuussutigineqarpoq. Tassani inissiisarfiit ataasiakkaat perorsaaniikkut sulinerat, inuttalersugaanerat il. il. eqqartorneqarput.

2. *Meeqqat- inuusuttut angerlarsimaffianni tiguneqarneq*

Meeqqat- inuusuttut angerlarsimaffianni inissitaaneq pisarpoq landsråd-ip peqqussutaani meeqqat inuusuttullu isumagineqarnerannut tunngasumi tamakkununga malittareqqusaasut tunngavigalugit.

Kommune-mi angajoqqaatut oqartussaassuseqartup najugaqarfi-ani isumaginninnermi ataatsimiititap angajoqqaatut oqartussaassuseqartoq (tut) peqatigalugu (git) aalajangissavaa meeraq/inuusuttoq ulloq unnuarlu inissiisarfimmut inissinneqassanersoq.

Isumaginninnermi ataatsimiititap nammineerluni saaffigininnermigut meeqqat angerlarsimaffiat qinnuvigissavaa meeraq inissinneqarsinnaanersoq. Isumaginninnermi ataatsimiititap mee-

qap ulloq unnuarlu inissiisarfiit qaninnerpaat ilaanni inissineqarnissaa isumaginiarajuppaa, meeqqat angajoqqaallu/illoqarfiullu najugarisap ataqatigiinnerat pisariaqarnera sinnerlugu ajornartorsiortinneqaaqqunagu.

Meeqqat angerlarsimaffianni inissaqartitaanissamik qinnuteqarnermut ilagitillugit isumaginninnermi ataatsimiititap nas-siutissavai paasissutissat ersarissut meeqqap ilaqutariinni pissa-saanut tunngasut, atuarfimmu aammalu peqqissusaanut. Inissaqartinneqarnissamittaag qinnuteqaat erseqqissunik tunngavilersorneqassaaq maannakkut pissusiusunik, meeqqat angerlarsimaffiannut inissitaanissamik pisariaqalersitsisunik.

Inissiinerli nukingiuttariaqartuusimappat paasissutissat kingusinnerusukkut, kisiannili piaarnerpaamik nassiunneqarsinnaapput.

Meeqqat- inuusuttulluunniit angerlarsimaffiannut tiguneqarnissamut aalajangerneq inissiisarfiup siulittaasuanit aalajangerneqassaaq paasissutissat meeqqamut tunngasut aammalu inissiisarfinni inissaqassuseq il. il. tunngavigalugit.

Meeqqap inuusuttulluunniit tiguneqarnissaa pillugu meeqqat angerlarsimaffiata ittuata isumaginninnermilu ataatsimiititap akornganni isumaqatigiinnginnermik pisoqartillugu suliassaq Isumaginninnermi Pisortaqarfimmu saqqummiunneqartassaaq, taannalu aalajangiisuusassaaq. Periaasertaaq taanna atorneqartassaaq meeqqap/inuusuttup angerlartitaanissaa pillugu isumaginninnermi ataatsimiititap angerlarsimaffimmilu ittuusup akornganni isumaqatigiinnginnermik pisoqartillugu.

### 3. *Inissiisarfinni immikkut ittuni inissitaaneq*

Inissiisarfiit immikkut siunertaqartut tassaapput meeqqat misissugaritittut angerlarsimaffiat "Meeqqat Illuat" Nuummiittoq aammalu angerlarsimaffiit illersugaasut Ilulissaniittoq Nuummiittorlu ("Aaqa"). Taakku avataasigut sullivimmik illersugaasumik ullukkut ammasartussamik aallartittoqassaaq Ilulissani 1981-ip naalernerani.



Tiguneqarnissamik qinnuteqaat paasissutissanik sukumiisunik ilaqutariinnermut, atuarfimmut peqqissutsimullu tunngasunik ilalik kiisalu maannakkut inissitaanialernermit tunngavilersugaq isumaginninnermi ataatsimiititamiit Isumaginninnermi Pisortaqarfimmu nassiunneqassaaq. Tamatuma kingorna tiguneqarnissaq Isumaginninnermi Pisortaqarfimmit aalajangiunneqassaaq inissii-sarfiit isumasioqatiginerisigut, taakkualu tiguneqarsimaneq isumaginninnermi ataatsimiititamut nalunaarutigissavaat.

Oqaatigineqassaaq ullukku unnuakkullu inissiisarfik Kultur-ikkut Ilinniartitaanermullu Pisortaqarfimmu atasuusooq "Eli-sipangup Atuarfia" Maniitsumiittoq meeqqanik inuusuttunillu eqgarsartaatsimikkut innarluuteqartunik tiguisarmat; inissii-sarfimmi tassani tiguneqarnissamut malittarisassat erseqqinnerusut Kultur-imut Atuartitaanermullu Pisortaqarfimmi aalajangersarneqartarput.

#### 4. *Naggasiutaasumik oqaaseqaatit*

Takoqquneqarputtaa ASD-ip kaajallaasitaa nr. 103 angalaqatissamik qinersisarnermut il. il. tunngasoq, SD-ip kaajallaasitaa nr. 136, pkt. 13 meeqqat inuusuttullu innarluuteqartut ulloq unnuarlu inissiisarfinni Kalaallit Nunaanniittuni inissitaasarnerrannut tunngasoq aammalu SD-ip kaajallaasitaa nr. 137 aningaasanut kaasarfimmunut aningaasanullu atisassarsiutinut tunngasoq, SD-ip nalunaarutaa nr. 159 inissiinermut atatillugu peri-aatsinut, ineqarnermi inissiisarfimiillu angerlarnermi peri-aatsinut tunngasoq.

#### 5. *Atuutilernera*

Kaajallaasitaaq manna atuutilerpoq 1. oktober 1980. Peqatigitillugulu ASD-ip kaajallaasitai nr. 84 aamma 99 atorunnaarsinneqarput.

- 4 -

*Namminersornerullutik Oqartussat isumaginninnermut tunngasunut akisussaasoqarfiat, 4. september 1980.*

Moses Olsen

/

Frede Duvander



INISSIISARFIIT ULLOQ UNNUARLU NAALLUGIT AMMASARTUT NUNAMUT TAMARMUT ATUUTTUT KALAALLIT NUNAANNI NAMMINERSORNERULLUTIK OQARTUSSANIT TIGUMMINEQARTUT

QAQORTOQ:

Meeqqat Inuusuttullu angerlarsimaffiat "Inuusuttut Inaat"  
Sanatorievej 17 Telf. 3 81 17  
Box 150  
3920 Qaqortoq

Røde Kors-ip meeqqanut angerlarsimaffiutaa Telf. 3 81 13  
Storesøvej 171  
Box 147  
3920 Qaqortoq

NUUK:

Kommune-p meeqqanut Angerlarsimaffiutaa Telf. 2 11 41  
Ulineqvej 2  
Box 304  
3900 Nuuk

Røde Kors-ip meeqqanut angerlarsimaffiutaa Telf. 2 10 70  
Børnehjemsvej 12  
Box 99  
3900 Nuuk

Meeqqat angerlarsimaffiat misissugaritiffik "Meeqqat Illuat"  
Tjalfesvej 13 Telf. 2 22 33  
Box 334  
3900 Nuuk

Angerlarsimaffik sungiusarfiusoq "Aaqa" Telf. 2 20 88  
Adolf Jensensvej 22  
Box 391  
3900 Nuuk

MANIITSOQ:

Peqatigiiffiup Grønlandske Børn-ip meeqqanut angerlarsimaffia  
O. Petersensvej 11 Telf. 1 30 75  
Box 27  
3912 Maniitsoq

SISIMIUT:

Meeqqat angerlarsimaffiat "Gertrud Rasks Minde" Telf. 1 46 88  
Box 22  
3911 Sisimiut

AASIAAT:

Røde Kors-ip meeqqanut angerlarsimaffiutaa Telf. 4 20 31  
Højdevej 19 4 22 87  
Box 12  
3950 Aasiaat

ILULISSAT:

Peqatigiiffiup Grønlandske Børn-ip meeqqanut angerlarsimaffia  
L. Hindgaulsvej 19 Telf. 4 33 61  
Box 103  
3952 Ilulissat

Angerlarsimaffik illersugaasoq Telf. 4 35 06  
Box 212  
3952 Ilulissat



UUMMANAQ:

Peqatigiiffiup Grønlandske Børn-ip meeqqanut angerlarsimaffia  
Sanatorievej 2 Telf. 0012 238  
Box 26  
3961 Uummannaq

TASIILAQ:

Prinsesse Margrethe-p meeqqanut angerlarsimaffiutaa  
Box 48 Telf. 1 82 71  
3913 Ammassalik

